

## **Magnum Bullarium Romanum, Seu Ejusdem Continuatio**

Quæ Supplementi loco sit, tum huicce, tum aliis quæ præcesserunt  
Editionibus, Romanæ, & Lugdunensi ...

Constitutiones Variorum Pontificum in præcedentibus Editionibus  
desideratas, summoque studio hinc inde conquisitas complectens

**Luxemburgi, 1741**

1. Si nobilis vir &c. Mandat confirmari sententiam excommunicationis in  
Ducem Britanniæ, & interdicti in terras ejus latam, & si non resipuerit  
vasallos ejus ab obedientia illi debita absolvi.
- 

[urn:nbn:de:hbz:466:1-74452](#)

ANNO  
1226.

præbendis Clericis Romanis, vel aliis, à sede Apostolica concessa duximus providendum, ut postquam fuerint supradicta completa, cùm eos vacare contigerit, ad proprias Ecclesiæ revertantur, ne si successivè conferantur extraneis, sicut aliquando consuevit, filiis Ecclesiærum, qui continuo servitio resident, redherentur inutiles, & voluntate quodammodo fierent alienæ.

Datum Lateranis v. Kalendas Februarii, Pontificatus nostri: Anno ix.

V.  
Ex Archivis  
Ang. Rymer,  
Tom. I.  
pag. 285.

Ad Episcopos Angliae, quod pecunias pro expensis Regis colligant.

#### HONORIUS EPISCOPUS,

*Servus Servorum Dei, venerabilibus Fratribus, Archiepiscopis & Episcopis, & dilectis filiis Abbatibus, Prioribus, & aliis Prelatis ac Rectoribus Ecclesiærum, in Hibernia constitutis, Salutem & Apostolicam Benedictionem.*

**N**on leditur libertas Ecclesiastica set defen-  
ditur, si inde defensori ejus, statu rerum & temporum exigente, subsidium liberale ex-  
hibetur.

Cum ergo charissimo in Christo filio nostro, Henrico Regi Angliae illustri, multa immineant necessariarum onera expensarum, ac propter hoc sibi mandaverimus à Clero Angliae subsidium exhiberi, universitatem vestram sollicitandam duximus & hortandam, per Apostolica vobis scripta mandantes quatenus, cum Regnum Hibernæ ad ipsum pertinere noscatur, ac per hoc eidem incumbat defendere Ecclesiærum vestrarum libertates & jura, vosque deceat, sibi tamen exposcere videtur necessitas, liberaliter subvenire, collectam, penfatis singularum Ecclesiærum facultatibus, faciat ad expensarum ipsius Regis onera supportanda, cum venerabilis fratris nostri Archiepiscopi Dublini, voce aliquos vestros, prudentiae ac probatae fidei eligentes, qui pecuniam recipiant pro subventione hujusmodi colligendam, eamque assignent, ipsi Archiepiscopo & duobus aliis qui ad hoc idonei videbuntur; per eos ad expensas ipsius Regis, quæ videbuntur ei & Regno suo magis necessariae ministrandam.

Mandatum nostrum taliter impleturi, quod ipsum Regem ad vestram, & Ecclesiærum vestrarum favorem per hoc specialiter inclinetis, gratamque vicissitudinem ab eo expectare positis tempore oportuno.

Nolumus autem quod exhibito subventionis hujusmodi trahatur, ad consequentiam, vel præjudicium generet Ecclesiastice liberati.

Datum iv. Kalendas Februarii, Pontificatus nostri: Anno decimo.

VI.  
Has ex Ar-  
chivis Casi-  
nensi habet  
R. P. Ber-  
nardus Mon-  
tacon in  
Diario Itali-  
co pag. 329.

Bullæ ubi Monasterium quoddam Constantino-  
politanum ad tribuit Monasterio Casinensi.

#### HONORIUS EPISCOPUS,

*Servus Servorum Dei, dilectis filiis Abba-  
ti & Conventui Casinensi, Salutem &  
Apostolicam benedictionem.*

Cum à nobis petitur quod justum est, & honestum, tam vigor æquitatis quam ordo exigit rationis, ut id per sollicitudinem officii nostri ad debitum producatur effectum. Cum

igitur bonæ memorie Benedictus tituli sanctæ Sufannæ, Presbyter Cardinalis, legationis exercens officium in partibus Romanæ, Monasterium Sanctæ Mariæ de Virgotti extra civitatem Constantinopolitanam infra duo millaria situum, cùm universis pertinentiis suis rationibus & proprietatibus auctoritate legationis ejusdem vobis, & per vos Monasterio concederit Casinensi; ita tamen quod Monachi Græci comorantes ibidem per vos inde nullatenus expellantur; sicut in ejusdem authenticis perspicimus plenius contineri; Nos vestris iustis præcibus inclinati concessionem ipsam, sicut proinde facta est, ratam habentes auctoritate Apostolica confirmamus, & presentis scripti patrocinio communimus. Nulli ergo omnino hominum licet hanc paginam nostræ confirmationis infringere, vel ei auctu temerario contrarie. Si quis autem hoc attemptare præsumperit indig nationem omnipotentis Dei, & Beatorum Petri & Pauli Apostolorum ejus se noverit incursum.

Datum Anagnæ xiiii. Kalendas Junii, Pon-  
tificatus nostri: Anno primo.

ANNO  
1226.

#### GREGORIUS IX.

PONTIFEX CLXXX.

ANNO DOMINI MCCXXVII.

ANNO  
1227.

**G**regorius prius Ugolinus appellatus, anno 1227. ad Pontificiam sedem est assulmus. Fridericu II. Imperatorem quod juramentum ab Italib[us] posceret sacris dimovit, à Romanis Civibus Duce Hunibaldo Româ pulsus Regum Galliae opem imploravit. Ejus iustu Raymundus Decretalium libros quinque ex prioribus compilationibus collegit anno 1230. vulgatos. Obiti anno 1240.

I.  
Ex Anec-  
dot. Marte-  
ne Tom. L  
Col. 947.

Mandat confirmari sententiam excommunicatio-  
nis in ducem Britanniæ, & interdicti in  
terras ejus latam, & si non resipuerit vasallos  
ejus ab obedientia illi debita absolviri.

#### GREGORIUS EPISCOPUS,

*Servus Servorum Dei, Venerabili fratri M  
Episcopo, & magistris de la Valle & R.  
de Danfront Canonici Cenomanensibus,  
salutem & Apostolicam benedictionem.*

**S**i nobilis vir Comes Britanniæ potentiam  
recognoscet à Domino saeculorum, studeret  
utique ipsam in ejus beneplacitis exercere, di-  
ligendo justitiam, quæ diligit diligenter se, &  
se festando quæ ad omnia valet pietatem. Sed  
quod dolentes referimus, gratia gratis ingratis,  
quasi de industria recessit à Deo, nec at-  
tendens quod sit malum & amarum Domini-  
num reliquisse, nec ejus apud ipsum esse timo-  
rem, cor suum contra ipsum pertinaciter ele-  
vavit, & spiritu ad superbiam obfirmato, se  
contra Omnipotentem patenter erexit, eique  
manifestè rebellans, non solum terredit contra  
eum damnabiliter manum suam, verum etiam  
alios ad rebellandum inquis conjurationibus  
sibi colligans animavit. Cum enim sciat, vel  
scire debeat, quod unica CHRISTI sponsa cum  
sponso unum est corpus, nec alteri sine altero

in-

A N N O  
1228.

inuria vel molestia valeat irrogari : dictus comes, ut sponsam provocet Ecclesiam liberam utique : utope sanguine CHRISTI redemptam, nititur de terra sua damnabiliter ancillare, non attendens quod non est dignus cum filiis liberæ testamento patris hæres adscribi, qui matrem gestit subjecere servitutem; alias quasi filius degenerans in privignum, matrem multiplicitè tribulat & affigit. Præcisos siquidem ab Ecclesiæ corpore per excommunicationis sententiam sibi quasi grataanter incorporans: non solum eis grataanter communicat, sed alios communicare compellit, quia in curia sua illos ad agendum admittit, nec patitur ut eis excommunicationis sententia opponatur. Quin etiam quemcumque in excommunicatione perdurantem, monitum ab Ecclesia redire ad unitatem Ecclesia compellere parvipendit, nec à baillivis, vel subditis suis, compelli permittit. Et sic contemptis Ecclesiæ clævibus, enervatur in partibus illis vigor Ecclesiasticae disciplinæ in enorme dispendium fidei, & grave scandalum Ecclesiæ generalis. Cùm autem venerabiles fratres nostri, Rhedenensis, Macloviensis, Dolensis, Briocensis, & Trecorenensis Episcopi, proinde attendentes quod si non annuncianter impietatem suam impio, ille quidem in impietate sua moreretur; sanguis autem ejus requireretur de manu eorumdem; ipsum monuerunt diligenter, ut ad Ecclesiæ rediens unitatem, ab hujusmodi ejus præsumptionibus abstineret: ille renuens accipere disciplinam eligensque perire positius quam parere; non solum monitis nullatenus acquievit, sed exinde gravius indignatus novas nocendi manerias advenit. Ut enim alios in errore suum alliceret multos complices, cum Baronibus & aliis militibus apud Rothonenre Monasterium colloquium celebravit, multis iniquè suggestis, quod Ecclesia gravabat eundem, excommunicans ferè ne faveat prohibendo, astruens quoque fallaciter omnes laicos ab Ecclesia multiplicher aggraveri. & specialiter in tertia parte iudicij defunctorum, nec non in decimis subtrahendis de manibus laicorum, sophisticum, impium, & nequissimum juramentum præstít, & recepit ab eis, quod servabant festivas suas, nec de cetero Ecclesiasticorum sorbras tolerabunt: ut sic sub velamento iustitia quod de bonis Ecclesiasticorum habent, inique retinerent, & qui tenentur reddere non persolvant. Conjuratores autem hujusmodi se reputant obligatos ad excommunicatos minime de vitandos, nec compellendos quantocumque tempore in excommunicatione perficterint, indurati & ad tertiam partem iudicij defunctorum Ecclesiæ parochialibus non reddendam, laudabilem confuetudinem pietate fidelium nequiter infringendo, & ad alia multa teneri se credunt qua vergunt in periculum animarum. Baillivi verò & senescallii comitis supradicti juramentum prænotatum à militibus & aliis hominibus ejus, qui apud Rothonenre Monasterium non convenerant, extorquentes, eos expresse ad prædictos articulos obligarunt. Quare prædicti Episcopi nolentes, sicut nec debebant, tantam nequitiam contra Deum & Ecclesiam concinnatae æquanimiter comportare, in omnes illos qui præstiterant, vel præstarent hujusmodi sacramentum, seu præstitutum in Ecclesiæ præjudicium observarent; generalem excommunicationis sententiam perulerint: excommunicantes nihilominus comitem nominatum pro eo quod quasi contemnens claves Ecclesiæ, excommunicatos non solum non vitat, sed nec evitari permittit, eos passim ad

agendum & alios actus . . . . . admittendo compellit ut tenetur, vel compelli permittit redire ad Ecclesiæ unitatem. Licit prædictus Redonensis Episcopus in personam ejusdem comitis excommunicationis & interdicti in terram, quam tenet de demanio in diœcesi Redonensi, sententias promulgasset, pro damnis & injustitiis, quas sibi & capitulo Redonensi super hominibus & possessionibus suis temerè irrogaret: propter quod etiam idem Episcopus ad vos nostras litteras impetravit, ut easdem sententias facientes firmitus observari, illos, qui eidem comiti faverent in crimine, censura percellatis eadem: nec permetterentur prædictos Episcopum & capitulum ab eodem comite vel fautoribus suis temerè molestari: molestaores per censuram Ecclesiasticam appellatione postposita, compescendo: conteftaturi nihilominus quod nisi comes ad cor rediens mala attentata celeriter revocaret, & Deo & hominibus satisfaceret competenter, nos absolveremus à fidelitate vasallos ipsius. Cæterum quamvis mandatum Apostolicum fideliter exsequentes, saepe dictum comitem super his monueritis diligenter; ipse tamen nolens intelligere ut bene agat, non solum memoratis Episcopis & capitulo satisfacere, & alia revocare, quæ contra Ecclesiam egerat, non curavit: verum etiam factus de protero proterior, eisdem Redonensem, Briensem, Trecorensem Episcopos suis redditibus spoliatos ab Ecclesiæ suis exsulare compellis, propter quod exsules ipsi in prædictum comitem excommunicationis sententiam promulgantes, singuli diceceles suas supposuerunt Ecclesiastico interdicto. At dictus comes percussus non dolens, immo malleum velut stipulam reputans, Ecclesiæ & Ecclesiasticas personas odio prosequitur nequiori: quia si qui de terra sua injuriantur eisdem quod frequentius & turius faciunt, scientes se inde illi placere, non solum injuriam passis defensionis auxilium denegat requisitus: verum etiam faciens injuriabitibus non patitur decimas trahi de manibus laicorum, nec permittit eos in foro Ecclesiastico super decimas conveniri: & pietatis invitor terrarum elemosynas Ecclesiæ non sustinet fieri consuetas, Ecclesiæ modis omnibus quibus potest evacuat & enervat. Clericorum autem parentes & alios consanguineos, si laicos super aliquibus injuriis auctoritate Apostolica, seu Metropolitanâ extra suam diœcensem trahunt in causam, comes & baillivi ejus capi faciunt, & à subditis ejus capi permittunt, & tamdiu detineri captivos, donec renuntient quæstiōni: alias Ecclesiæ, breviter, intollerabilibus cruciat injuriis & jacturis, sicut nobis prædictorum Episcoporum lacrymosa querela, & aliorum Prælatorum fide dignorum solemnis insinuatio patefecit. Cùm igitur tanta lævitia vel perfidia non sit ulterius toleranda, cùm est ex se minus sit enormis, multo tamen propter exempli perniciem existens enormior, facile posset in subversionem fidei & Ecclesiastice libertatis exterminium redundare: discretioni vestræ per Apostolica scripta mandamus, quatenus predictas & excommunicationis & interdicti sententias solemniter publicantes, & facientes per partes publicari vicinas, renovetis easdem singulis Dominicis diebus & festivis, & faciatis auctoritate nostrâ, submoto appellationis obstatu, usque ad satisfactionem condignam inviolabiliter observari, totamque terram ejus, necnon loca ad quæ idem comes pervenerit superponentes Ecclesiastico interdicto: ita quod ibi nullum divinum officium celebretur, præter penitentiam morientium &

A N N O  
1228.

1229.

## GREGORIUS IX.

baptismata parvulorum, donec idem comes super præmissis omnibus satisfaciat competenter. Prænotatum autem juramentum apud Rotho-nense monasterium celebratum, quod præsumptum illicet, licet servari non potest, mutantes, juratores ut id abjuren, appellatione remota, per censuram Ecclesiasticam compellatis. Clericos quoque in ejus servitio familiariter commorantes, ut ab ipso recedant, monitione præmissâ, per subtractionem beneficiorum & excommunicationis sententiam, appellatione remota, cogaris. Alios quoque complices & fautores, nisi moniti resipuerint, sententiâ simili percellatis. Quod si forte dictus comes nec sic ad cor redierit, ut Deo & Ecclesiæ, & injuriam passis super præmissis omnibus intra quatuor menses postquam à vobis monitus fuerit, satisfactionem exhibeat competentem; vas-los & confederatos ejus à fidelitatis & confe-derationis ipsius juramentis penitus absolvatis. Quod si non omnes hiis exsequendis potestis interesse: tu ea, frater Episcopo, cum eorum altero nihilominus exsequaris. Verum quia qui medicinalem Petri gladium non formidant, sæculari sunt gladio comprimendi, ne de sua malitia glorientur: Serenitatem regiam rogamus, monemus, & exhortamur attente, quatenus prudenter attendens, quod nisi præfatus comes in hujusmodi protervia confundantur, gravia inde pericula possent formidari, fidei zelo suc-cessus, & parentum suorum exemplis inhæ-rens, illam ut ad Ecclesiæ redeat unitatem tradi tibi cœlitus potestate compellat, ita pro-secutus com. .... CHRISTI, quod exinde propria-tionem divinam uberioris merearisi, & nos sinceritatem tuam debeamus meritò com-mendare.

Datum Assisi iv. Kalendas Junii, Pontificatus nostri: Anno II.

I.  
Ex Anecd.  
Martene  
Tom. I. Col.  
954

Ad universos Episcopos & Ecclesiæ Prælatos, ut fratres Prædicatores ad officium prædicationis, & confessiones audiendas benignè re-cipient.

## GREGORIUS EPISCOPUS,

Servus Servorum Dei, venerabilibus fratribus Archiepiscopis, & Episcopis, & dilec-tis filiis Abbatibus, Prioribus & aliis Ecclesiæ Prelatis, Salutem & Apo-stolicam benedictionem.

**Q**UONIAM abundavit iniquitas & refri-guit charitas plurimorum, ecce ordinem dilectorum filiorum Prædicatorum Dominus sus-citavit, quoniam quæ sua sunt, sed quæ sunt Christi quærentes, tam contra promulgatas hæ-re-ses, quam contra pestes alias mortiferas extirpandas, se dedicaverat in evangelizatione verbi Dei, in abjectione voluntariae paupertatis. Nos igitur eorum fratrum propositum & necessarium ministerium favore benevolu prose-quentes, universitatē vestre ipsos affectuosè du-ximus commendandos. Caritatem vestram ro-gantes & exhortantes in Domino, ac per Apo-stolica scripta mandantes, quatinus dilectos filios fratres ordinis memorati pro reverentia divina & nostra ad officium prædicandi ad quod sunt ex professione sui ordinis deputati recipiatis benignè, ac populos vobis commissos, ut ex ore ipsorum verbi dei semen devotè suscipiant, & confiteantur eisdem, cum ipsis auctoritate nostra liceat confessiones audire & pénitentias

injungere, sedulè ammonentes pro vestra & Apo-stolicae sedis reverentia in suis eis necessitatibus liberaliter assitatis, quatenus ad prædicta suscipienda vestris exhortationibus populi præpa-rati tamquam bona ac fructifera terra pro vitio-rum tribulis incipiunt segetem germinare virtutum, & dicti fratres per operationem vestram suscepiti ministerii cursum felicius consum-mando, optatum reportent sui laboris fructum & finem, salutem videlicet animarum. Quia verò sæpe virtus sub specie virtutum occulte subinfrant, & angelus satana in angelum lucis se plerumque similate transformat, præsentium vobis auctoritate mandamus, quarenus si qui de Prædicatorum fratrum ordine se dicentes in vestris partibus prædicaverint, ad questum se pecunia convertendo, per quod religionem eorum qui paupertatem professi sunt contingere infamari, vos tanquam fallarios capiatis, & condemnatis eosdem.

Datum Lateranis xvii. Kalendas Aprilis, Pontificatus nostri: Anno III.

ANNO  
1234.

III.  
Saracini no-ticie Iforici-  
che d'Anco-na.

Anconitanos arguit ob commissa sceleris in Epis-copum Belluacensem, & nō obedienti mandatis sedis Apostoliæ, eis excommunicatio-nis sententiam minatur.

## GREGORIUS EPISCOPUS,

Servus Servorum Dei, potestati & populo Anconitano.

**V**ESTRIS excessibus imputandum quod nos stræ salutationes alloquium nos, vobis co-gitis denegare, cum exigentibus culpis vestris, & reddideritis vos indignos; dum enim rebellionis vestræ protervitas, dum enormitas vestrorum excessuum diversorum ad memoriam reducuntur, non ad præmia conferenda; sed ad pœnam inferendam potius provocamus; vos autem divinae patientiae improvidi abusores gratiæ nostræ, & oblieti beneficiorum à sede Apostolica perceptorum non attendentes qualiter, monetam comitatum Portum, & alia jura, quæ nullis de Marchia sunt concessa ad nostram curiam pertinencia; Ecclesia Romana vos sub-stinuit haec tenus habuisse, olim Othoni tunc ex-communicato ab alienati, retrosum matris vestræ dulcedine abutentes; necnon ut comiti Celenensi & aliis Ecclesiæ inimicis, violata reli-gione fidei adhæsisti, ac cæreris redeuntibus in pertinacia vestra persistitis diutius nimium impudenter, & quia non ista sufficienter, conver-sa dexterâ in viscera matris vestræ conspirantes, conjurationes cum quibusdam sequacibus vestris, contra Ven. Fratrem nostrum Belluacensem Episcopum, tunc Marchiæ Rectorem damnabiliter inistis, non absque nostra injuria manifesta; & quia Romana Ecclesia hæc hac-tenus per patientiam toleravit, ut vos ad pœnitentiam revocaret; propter quod pœnitentes excessum commissorum à committendis debue-ratis causis abstineremus; vos peccata peccatis ad-dentes protiores effecti, nec (per sicut acce-pimus) & non utique acceptamus; immò grave gerimus, & molestum, cum Auximatis excom-municatis conjurations denuo, & conspira-tiones alias facere præsumpsistiis contra consti-tutiones, & pœnas super hoc ædidas & ex-communicationis sententiam dilecti filii nostri &c. Tituli Sancte Praxedis Præsbyteri Cardinalis Rectoris Marchiæ temerè, veniendo in nostram & Apostolicae sedis injuriam & contemptum,

quia